

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র সরকারের ২৫ কোটি ডলারের ‘ফিড দ্য ফিউচার’ কর্মসূচীর সাফল্যময় প্রথম বছর

ঢাকা, ২৭শে অক্টোবর -- যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) ও যুক্তরাষ্ট্রের কৃষি মন্ত্রণালয়ের (ইউএডিএ) একটি উচ্চ পর্যায়ের প্রতিনিধিদল যুক্তরাষ্ট্র সরকারের সমন্বিত খাদ্য নিরাপত্তা কর্মসূচী ‘ফিড দ্য ফিউচার’ পর্যালোচনা এবং ভবিষ্যৎ পরিকল্পনা নিয়ে আলোচনা করতে বাংলাদেশে সফর সম্পন্ন করেছে। এই প্রতিনিধিদলে রয়েছেন, ইউএসএআইডি’র ফুড ফর পিস দফতরের পরিচালক দিনা এসপোসিতো, খাদ্য নিরাপত্তা বিষয়ক ইউএসএআইডি/ওয়াশিংটন ব্যুরোর প্রতিনিধি এমি সিক্ক এবং যুক্তরাষ্ট্রের কৃষি সচিবের উর্ধ্বতন উপদেষ্টা লোনা স্টল। বাংলাদেশে এই কর্মসূচী উদ্বোধনের প্রথম বার্ষিকী উদযাপন উপলক্ষ্যে ২২-২৭ অক্টোবরের এ সফর আয়োজন করা হয়েছে।

‘ফিড দ্য ফিউচার’ ৩৬০ কোটি ডলার মূল্যমানের একটি বৈশ্বিক উদ্যোগ যা প্রেসিডেন্ট ওবামা ২০০৮ সালে ইটালির লা’কিলায় অনুষ্ঠিত জি৮ শীর্ষ বৈঠকে ঘোষণা করেন। পাঁচ বছরব্যাপী বাংলাদেশ ‘ফিড দ্য ফিউচার’ কর্মসূচীটি ২০১০ সালের অক্টোবরে উদ্বোধন করা হয় পুষ্টিকর খাদ্যের প্রাপ্তি ও বাংলাদেশের দক্ষিণাঞ্চলে দরিদ্র জনগণের জীবনমানের উন্নয়নে। এই কর্মসূচীর লক্ষ্য দশ লাখেরও অধিক বাংলাদেশীর দারিদ্র বিমোচন এবং শিশুর অপুষ্টির হার কমপক্ষে ২৫% হ্রাস। কর্মসূচীর জন্য ২০১০ থেকে ২০১৪ পর্যন্ত যুক্তরাষ্ট্র সরকারের অনুদানের পরিমাণ পঁচিশ কোটি ডলার হবে বলে অনুমেয়, যা যুক্তরাষ্ট্র কংগ্রেসের বার্ষিক অনুমোদনের মাধ্যমে নিশ্চিত হবে। এই কর্মসূচী জাতীয় বিনিয়োগ পরিকল্পনা (কান্ট্রি ইনভেস্টমেন্ট প্ল্যান) এর অন্তর্ভুক্ত বাংলাদেশের খাদ্য নিরাপত্তা বিষয়ক পরিকল্পনাকে সরাসরি সহায়তা করছে।

বাস্তবায়নের এক বছরের মাথায় বাংলাদেশ ‘ফিড দ্য ফিউচার’ কর্মসূচী, কৃষি মন্ত্রণালয়, খাদ্য ও দুর্যোগ্য ব্যবস্থাপনা, মৎস্য ও পশুপালন, এবং অন্যান্য সরকারী ও এন,জি,ও এর সহযোগিতায় বেশ কিছু উল্লেখযোগ্য সফলতা অর্জন করেছে। এর মধ্যে অন্যতম ২৪৪ হাজার হেক্টর কৃষি জমিতে নতুন উদ্ভাবনী প্রযুক্তি মাটির গভীরে সার প্রয়োগের মাধ্যমে ফসলের উৎপাদন গড়ে ১৫% বৃদ্ধি করা। কর্মসূচীর আওতাধীন এলাকায় বাড়ির উঠানে শাক-সজির ফলনে প্রায় ৭৫ লাখ ডলারের উৎপাদন বৃদ্ধি ঘটেছে। মৎস্য ও চিংড়ির বিক্রি বেড়েছে ৫.৪ কোটি

ডলার। সর্বপরি ৪৫০ হাজার কৃষক উন্নত কৃষি প্রযুক্তি ব্যবহার করছে। এছাড়াও আমাদের সম্মিলিত প্রচেষ্টায় কর্মসূচী চলাকালীন প্রথম বছরে ১৫ হাজারের বেশী কর্মসংস্থানের সৃষ্টি হয়েছে।

আগামী বছরগুলোতে, যুক্তরাষ্ট্র সরকার সকল কার্যক্রমের ব্যাপক সম্প্রসারণে সহায়তা করবে, যার মধ্যে থাকবে পুষ্টি কর্মসূচীর প্রবর্তন, মৎস্য ও সজি উৎপাদনে নতুন উদ্যোগ, এবং মাটির গভীরে সার প্রয়োগের সার্থকতাকে আরো সম্প্রসারণ করা, ও এর সাথে যুক্ত হবে কৃষকের সাথে বাজারের যোগসূত্র তৈরী এবং কৃষি গবেষণার প্রসার।

যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত ৫শ' ৮০ কোটি ডলারেরও বেশী সহায়তা প্রদান করেছে। ১৯৬২ সালে প্রেসিডেন্ট জন এফ. কেনেডি কর্তৃক প্রতিষ্ঠিত এ সংস্থাটি ২০১২ সালে এর ৫০তম বার্ষিকী উদযাপন করবে। বিশ্বব্যাপী 'ইউএসএআইডি'-র ১১০টি মিশন প্রতিটি দেশে বছরব্যাপী কর্মসূচীর মাধ্যমে এর ৫০তম বার্ষিকী উদযাপন করবে।

=====

জিআর/ ২০১১

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।